

## الدرس الأول

أول حاجه هنعرفها بإذن الله هي :-

معني المعلم، معني المهتدي الجديد، وخلفيته، وازاي ابقى عارف عنه كل شيء، واكون فكره عنه، وازاي وصلني للتعليم، وازاي أعلمه واتبعه.

طيب دلوقتي هسألکم سؤال؟

س/ هي بدايتنا كده صح؟

قصدي بدايتي معاكم كده صح كمعلم؟؟؟

ج/ كان المفروض اعرفكم بنفسي واتعرف عليكم الأول.

يبقى أولاً

كسر الحاجز قبل كل شيء.

طيب يبقى ايه دور المعلم؟

هيكون صداقه، تعليم، تثبيت، متابعه

مبدئياً صداقه معناها معروف، وتعليم كمان

طيب يعنى ايه تثبيت ومتابعة؟وليه؟

👉 تثبيت

يعني اثبته بالدليل وازالة الشبهات علي الدين حتي لا يرتد اصلا

👉 متابعة

يعني اشوف هو علي الفيس او الواتس والبوستات حاطط ايه وبيكتب ايه

ممكن يكون بيكتب أشياء عن ديانتة السابقيه وهو مش عارف انه خطأ.

س/ انا جبت الاربع أقسام لمهمات المعلم منين؟؟؟

👉 مبدأياً اعرف اصلا المهتمي وصلني ازاي؟؟

و دا فعلا مش موجود عند أي معلم او معلمه او معظمهم انهم لايهتموا المهتمي دا دخل الإسلام ازاي.

إحنا عندنا الزاير بيدخل الصفحه الأول، بيكون علي الأغلب اكثر من نوع:-

مهتم وعاوز يدخل الاسلام

عنده شبهات و داخل يتهمنا بها

معاند وداخل يسب

منصر وداخل يجعلك تدخل دينة أو ملحد

دور المحاور بقى بيختلف على حسب طبيعة الزاير يعنى مثلا:-

👉 المحاور مع المهتم

بيعرفه ب 6 أشياء ثم ينطق الشهادتين

الله، سيدنا محمد، سيدنا عيسى، أركان الإسلام، أركان الإيمان، تعريف الإسلام

👉 المحاور مع صاحب الشبهات

بتبقي شبهه او أثنين، ولما بيترد صح بيسلم وينطق الشهادتين.

👉 المحاور مع المعاند

هتبقي فيه مناظرات حتي يتم اقناعه.

👉 المحاور مع الملحد

هنتكلم معاه بالعقل والمنطق والأدله العلميه والاعجاز العلمي في القرآن.

وكده عرفتوا كل واحد بيتحاور ازاي، فهيبقي سهل انكم لما تسألوا المحاور عن نوعه، تبقى عارف اصلا ازاي اتحاور واقتنع و تبني علي هذا لاساس.

الأسهل دائما هو سؤال المحاور، وعلي العموم، لو حتي ما سألت، كل الأنواع بيتم اعطاؤهم

**التعريفات الستة:-**

الله سبحانه وتعالى وبعض اسمائه

سيدنا محمد نبذه مختصره.

سيدنا عيسي.

ما هو الإسلام.

أركان الإسلام.

أركان الإيمان.

👉 بس على فكره كل هذه المحاور بيعرفه للمهتدي بطريقة مختصرة، ودورنا لازم نفصل هذه الأشياء كلها، وكل واحد من هؤلاء هعطيكم ملفات لتعليمه.